



大清詩因卷

蔣廷錫

廷錫字酉君一字揚孫號西谷又號南沙自稱

青桐居士江南常熟人康熙癸未欽賜進士

選庶吉士由坊職累階大學士雍正十年薨於

位年六十餘謚文肅公善寫生花鳥點綴坡石

水口無不超絕性又恬雅愛士羅致門士下者

無不得其指授故畫多贗本所著詩有青桐秋

風片雲諸集

續古詩十首錄四

冰薄玉壺清絃急朱絃直可憐毫髮瑕止山無由識團
扇感君恩涼風情愛息狐腋重千金夏日不可飾春風



桃李貌秋霽芙蓉色萬物成者退天道惡盈極
騎射并州兒輕肥相馳逐草淺獸正肥弓和手還熟羽
毛落風雨驚駭鬣網觸狐兔走無遺鳥雀死相續人樂
歡已悵馬怒驕未伏一朝羽檄飛邊城寇反覆軍行點
有名帶劍據鞍哭

家寒憐范叔陰謀異陳平十五誦詩書三十無所成廣
川容細流聲氣溢群英半生已淪落一歲住咸京咸京
興亡地懷古多悲情信美非我土還望闔閭城歸來面
目黑見者頻相驚不如枝上鳥常作故鄉聲
緋雲西北起須臾天地黑狂風與之俱雲厚風性直人
行急欲仆白日倏西匿吹折墮上麻落盡園中色雲散

風之功雲來風有力嗟哉爾風意不為羣動息

和孫子逸夜坐韻

蘋末風生白葛輕小庭景物又秋聲相看酒戶隨年減
賸有詩懷入夜清荷葉翻時珠露瀉豆花香處亂蛩鳴
桐軒莫謂無多地一片寬閒江海情

吳廷楨

廷楨字山掄江南長洲人康熙癸未進士選庶
士吉著有南邨集

次和劉隨州雜詩八首選三

晚桃

玄都燕麥秀幽澗桃華然託根偶失所受氣常苦偏晚
寶自媚好過時誰為傳無言同息媯榮落楚王前

舊井

古井塌秋雨森沈鑑猶徹銅餅失水音隱々聽未滅無

波夕涵虛不食晨凝潔誰為垂修綆勿使中道絕

寒缸

永夜凝蘭缸虛堂照寂寞霜風乍披帷澹々孤花落明膏徒自煎冷燄竟安託牆角行棄置吁嗟舊恩薄

桐樹

庭中有桐樹柯幹何蕭森心孤易為感風雨揚哀音吐華春芳歇結實秋氣深惜不植高岡覆此空堦陰鳳鳥時不來丹山寄所欽

山中有桐樹託質何欹欹良工忽見采披拂辭舊林匪寄耳目玩中含太古音被以朱絲絃裁為綠綺琴一鼓再三歎淵魚聳幽沈既諧丘中賞永謝爨下尋無為在

金井知希徒苦心

讀青門集奉贈邵文子湘

我讀青門集未識青門翁名昔震耳使我三日聾乃於卷帙內忽覺形神通幽覩韓杜室高躡班馬蹤詩文開突窻萬象何春容清秋幕府靜淥水依芙蓉綿津提詩律旗鼓中原逢郎君好整暇伺間偏師攻先生真強對酒槩爭豪雄建安父子間風骨相磨礱新編名井梧叩角來商風夔州老去後刊落春華叢往聞陳檢討兩髯朝詠工不須更纏帛絕倒陸士龍惜哉陽羨生幻化隨鵝籠楨也生較晚垂胡亦當胸虎賁貌似耳敢比中郎邕低頭鑽故紙掇拾唯魚蟲先生謂可教惠問勤郵

筒得非事皮相猥及吳下蒙作詩謝不敏猶以筵撞鐘
何時對尊酒一笑掀髯同

劉巖

巖原名枝桂字大山江南江浦人康熙癸未進

士官翰林

觀柳林水田

東南稱澤國寸土皆膏腴誰謂幽冀郊地曠成荒蕪漁
陽右北平水有潯易濡九十有九淀七十有二沽引之
資灌溉奚啻鄭白渠胡為廢畝澮但長葑與蒲取給海
陵倉艦舳傾荆吳近畿力窳惰下國人彫枯柳林亦何
地中有疇與廬芄之植秔稻亦蓄菱芡租其價畝一金

百畝供十夫虞集做游田斯人今已無流泉日灑之行
野空踟躕

保定張光祿闔門死節

明季政無章泄：敗綱紀柱折天角傾星墜妖氛起聚
殍嘯餓鷓繼寇突封豕禍發秦豫郊流毒被江汜上谷
西南衝距京絲尺只鎖鑰或撼搖心腹惧崩圯桓：者
張公舉族捍鄉里嚙指揮戈鋌袒臂冒石矢擲火却九
攻灌油守百雉力感鼓聲衰陣壞雲靡父子偕兄弟
毋妻與姑姊二十有三人烈：併命死回首呼蒼天悠
：此誰使廟謨誤撫綏畏賊過豺兕將帥餌兼金貂璫
耀連壘生民遂糜爛九鼎輕遷徙烽燧照甘泉大事已

去矣忠憤氣堂：所據彈丸子外無虻蟥援內無長城
倚心知天少艱不死不容已毅魄猶呼號哀：懷國恥
督師爾何人其顙能無泚

宋 至

至字山言河南商工人漫堂先生仲子康熙癸
未進士選庶吉士改編脩督學浙江稱得士初
刻詩名敝帚集後彙為緯蕭州堂詩三卷兄基

字維德弟著字錦含筠字蘭揮皆工詩著才而

天傳常金字經一小名百常詩亦工刻授硯齋詩一卷

汪兆峰曰山言望匡廬一篇氣雄詞警為之歎服其他詩筆墨閎肆衆
體兼備真善承家學者也

送劉山蔚先生赴浙用東坡鄭州別子由馬上賦

寄韻

平臺東望何突兀南湖之南春草發鄒枚賦手不復存
梁園風雅空寂寞先生獨與古為歡抗懷羞被塵埃沒
一夕倏理看山裝吟鞭高指探煙月海雁橋頭張祖筵
駟駒歌罷心悽惻小麥才青杏初紅隈柳迎人殊飄忽
去々正值豔陽天載酒西冷還鼓瑟歸來應續董園詞

山翁刻有
董園詞 山水文章君之職

盧師山歌用東坡遊徑山韻

盧師結宇環青山谷深厓迥如斜川微雨才過景色霽
短筇與我相周旋桑乾故道蔽叢木下瞰不見蛟龍淵
羅雀童子來日暮收拾媒翳當層巔須臾顧免湧林樾

萬善堂印

照耀佛座開青蓮眼前洞壑盡詭異咫尺想見騰蛟蛇
繫余何事雜塵跡到來忽復思逃禪夜深僧厨供麤飯
芼以凋蔬烝榆錢青松濤起聒兩耳高枕直欲凌風眠
幽鳥栖定人跡絕仰面驚墮飛鳶新詩佳屈愧韓孟
推敲字句心熬煎俯臨翠微不五里此去沙路殊安便
香臺坐久露華重傳杯四望天茫然吁嗟盧師歸何處
手植短柏榮千年

秋日用李義山韻

宋 基

南樓終日坐客思竟誰知風急時聞杵山空憶采芝
芭蕉經雨大橋袖待霜遲白袷新涼後悠然塵外期

江行步家嚴韻

宋 著

送心壁道人遊黃山
終共滄浪話言尋六峰
最當祖席嵐影入支那
水挹砂泉潔如憐晚翠
重重匡廬畫
隱處誰叩白雲鐘

駘蕩輕風日欲斜雲煙縹緲接平沙舟人指點江天外
朶芙蓉是九華高念東曰是詩輕盈欲舞
何減子京迴風半面詩耶

宋 常金

朱 書

書字字綠江南宿松人康熙癸未進士官翰林
嘗著古南嶽辨甚精核詩則人所共知也

雨中過華山

我涉涑水來蒲東半天黑雲堆朦朧注日久視雲更濃
胡為不起隨天風問人始知是華嶽金天高插青芙蓉

渡河入宿潼關內近山却與山相背急欲看山早起行
山神故遣雲霞變半晴半雨乍有無山隨馬首呈奇態
或如渴驥急奔泉或如健夫靜守塞環拱大嶽居其中
巍：獨立擅雄概四方如削不可攀北面綠絙通天關
仙掌依佈出雲影五色之采相廻環我過嶽祠繫馬入
載上危樓對嶽立蓮氣霏微落檻青泉光噴薄沾衣溼
生平十岳遊欲遍此日相望不相及玉女何當看洗頭
大笑昌黎空佇泣

張澤霖

澤霖字文五一字道復江南華亭人康熙乙酉
舉人選任廣文性放誕嗜酒一日觴客學署大
醉失足墮泮池中生平著詩千有餘篇陶汰之
什存一二題曰喁噍集分為二卷焦廣期畫序

計內山行之

白荷花十四韻

已作空：想仍餘冉：香見應分翠葯窺訝失朱房薄
穀含颺透輕綃濕汗光白添非傅粉紅褪不閑霜婀娜
遺珠佩風流結壁璫水亭將鏡檻殘靄共斜陽相對渾
忘暑移時倍覺涼早傳金帝信晚借月娥妝應識心偏

淡真無色可方瓊絲微點綴青蓋漫高張宜貯水精殿
還開白玉堂雲軒未眇：瑤席設行：碧浪銀鱗出晴
灘沙鷺翔佳人能織素莫學刺鴛鴦

乳燕

燕壘添兒四月時歸來照：每相依如何弱羽生猶短
便向風前浪學飛

孫元衡

元衡字湘南江南桐城人筮仕山東新城知縣
擢臺灣郡丞歷知東昌府事著有片石園稟赤

嵌集

王阮亭赤嵌集評曰集中歌行騰踴凌厲當為第一近體五
言如落日鎔天海一語所謂下一字如闔門之鍵七言如谷鳥一聲流
竹徑山雲幾片就斧擔亂山斷處天應盡一髮窮時鳥不飛嗟雲脫日千金
接腹海邊天西碧環此例十數朕皆創獲必傳無疑又曰樸人叢笑篇及詠

望遠

禽魚花草諸什可作臺灣圖經風土志竟可自為一書 蔣兩亭曰赤嵌集
三百有六十篇標新領異得未曾有

秋旻肅以默片雲何孤清下證滄洲趣萬有歸空明南
鄉為北望遠視無近迎坐我混茫間疑合復疑傾問心
夫何如欲狀難為名悔此一樽酒臨風登古城

詠懷

天高聽雖下肅穆無所宣風雷昔垂誠乃以彰聖賢後
世重推測數在固當然昭：且不鑒愚悃况：古狂
慙以直勁矢脫剛弦進則蹈諸刃退亦沈於淵知幾神
可貴徘徊瞻八埏

放懷

道腴天不械窮達從所務抱器各有宜深慙五石報樂
事如流星憂端紛苦霧脫鞿悵無歸在籠悲獨銅理以
遯而飛形惟忘乃固元微滅鏡搗醇粹泯禪悟至味辨
酸鹹元音屬韶護束帶著青袍貧也良不誤

乙酉三月十七夜渡海遇颶天曉覓彭湖不得回

西北帆屢瀕于危作歌以紀其事

羲和鞭日日已西金門理檝烏鵲栖滿張雲帆夜濟海
天吳鎮靜無纖翳東方蟾蜍照顏色高低萬頃黃琉璃
飛廉倏來海若怒積颶鼓銳喧鯨鯢南箕簸揚北斗亂
馬銜罔象隨蛟犀暴駭鏗旬兩耳裂金甲格鬪交鼓輦
倒懸不解雲動席宛有異物未訶訛伏艚僮僕嘔欲死

膽汁漉盡孿腰臍長夜漫漫半人鬼舵樓一唱疑天雞

阿班眩睫痿筋力出海环玦頻難稽海船內稱望遠者為不阿班舟師為出海

見彭湖見飛鳥：飛已沒山轉迷旁羅子午晷度錯陷

身異域同酸嘶况聞北礁沙似鐵誤爾觸之為粉壑彭湖

山南有北礁下有鐵板沙濟海之舟不見彭湖則不敢南渡回帆北向豈得已失所猶作中原

泣浪鋒春漢鷄首立下漩渦白高桅低怒濤內濺頂踵

溼悔不脫殼為鳧醫此事但蒙神鬼力宵然大地真浮

穉翠華南幸公卿集從臣舊識咸金閨挂冠神武蹤已

邁願乞骸骨還山谿讀書有兒織有妻春深烟雨把鉏

犁

皇威懾海若崩角草頑凶昔從倭鬼後今為王者農首
長加以冠族類裸其躬震驚鞭撻威嬉戲刀劍鋒臺即

出守羅星宿云是大唐王與公南夷類編中國曰唐官曰國公故云五十二區

山百里蕃社凡五十有二南鳳山曰上淡水阿侯搭樓大澤機下淡水力力茄藤放

武壠大傑山巔陶哈國諸羅山阿里山打猫他里霧猴悶崇裡丰六奇冷岸大居佛

西螺麻芝干南社二林大突馬芝遠阿東東螺大武郡半線大肚南北投蔴務株

沙轆牛罵崩山新港仔竹塹南嵌上淡水雞籠木武郡赤南極蜈蚣嶺北

雞籠山津汎不鑿天年終

齒耳夫何以皓為又奚取於漬汁而添頤雕題黑齒非生而黑也取草實染成

能除厲骨辟穢芳其脂墨氏母寧悲染絲

短布無長縫尚元戒施縞桶裙本陋制不異蠻犵狁

蠻鑿齒喪其親爾蠻鑿齒媾其姻雜俗殊風仁不仁南

犵狁幅布圍下體不施裳積疇曰桶裙臺蕃似之又犵

狽親死鑿二齒以贈永訣蕃結婚鑿二齒以訂終身

管承鼻息颺蕭音筠亞齒隙調琴心女見別居椰子林

雄鳴雌和終凡禽女長構屋獨居以鼻蕭口琴男女不顧邪娘回

面哭生男贅婦老而獨俗以婿為嗣但知生女耀門相高者

為山下者谷猫女膩新相鬥妍幼日膩新醉歌跳舞驚

鴻翩首長朝來易版籍東家麻達西家仙未婚名麻達係力役既婚名仙納餉稅

崩泉下澗三尺波女兒沒水如羣鷺中官投藥山之阿

至今仙氣留雲窩生兒洗滌意非它無孽無靡無沈疴

他日縱浪有勳業為鯨為鯉為蛟鼉明太監王三保出使西洋到赤崁汲水投御藥于澗

水中至今蕃俗生兒即入水洗謂有仙氣

鼉鼓轟林人野哭舉屍炊炙脯以燠蠅蚋不敢侵螻蟻

漫相逐埋骨無期兩頰屋安置鬼牛與鬼鹿鬼殘日夜

傷幽獨

蕃死鳴鼓而哭火炙令乾露置屋中屋傾而後掩所遺無敢取者謂之鬼物號其婦為鬼殘衆共棄之

視事三林出門輒兩

路拂平沙黃霧息池生新水碧痕灣天教不負飄零眼
洗出瀛南萬點山

春暮

三更風雨入庭院落盡林花人不知喚起春愁侵曉夢
一雙鸚鵡在高枝

過他里霧

舊有唐人三兩家家竹徑自迴斜小堂蓋瓦窓明紙
門外檳榔新作花

吳士玉

士玉字荆山江南吳縣人康熙丙戌進士由詞館
歷陞禮部尚書謚文恪著有吹劍集

延熹華嶽廟碑歌

華碑漢隸推第一芒奪少昊金天鼎東追嶧碑南岫嶮
光價鼎立齊崢嶸商丘先生雅好古得此善本識鑿精
紙新字完少缺畫僅缺十嗟余一見心魂驚此碑刻自弘
農守素逢孫瓊接迹勞經營延熹八年斗建己月廿九

日告厥成郭香察書紛聚訟古碑謂不署姓名或云中
即亦罕據筆蹤驚絕要莫京虎螭攫擘鳳飄舉長翎修
鬣摩鵬鯨規連珠樹矩洩玉方沅圓折隨蹤橫按以隸
法兼衆妙欲名一體誠難評祖禰上遡籀斯派苗裔下
傳潮陽冰喜平石經尚晚出堪與追逐稱弟兄拒靈敗
德不足數摩挲墨妙聊娛情吾聞太華削成五千仞河
神手劈垠崖崩雲泉天磴闕金液乘龍戲博多仙靈此
碑歷千五百載呵護應煩敕六丁有明嘉靖遭拈棄可
惜神物歸杳冥成毀相因固其理世事反覆誰能憑不
見嶧山之碑焚野火岫嶺迹祕涕泗零公得此本真希
有一字便足輕連城

松花江綠石研歌

松花江水鴨頭綠寶氣熊：孕綠玉翠蛟飛涎噴浸足
誰探珠宮斲鱗屋片璧截來光眩目元公長嘯詩興新
寶物落手如有神漪：含風洮州珉玉堂洗出蠻溪春
拂拭試近青玉案青：圓荷跳珠亂研作卷
荷形易水松肪剡
溪蔓擘破碧煙初染翰波濤驚翻埽電光歛穿溟滓接
混茫

上韓宗伯慕廬先生廿四韻

文乃道之器聖籍慎挈鉞曠古起衰手佐佑在六經先
生今昌黎經心抉香冥篤志自天獎風流播儀刑末學
久榛塞古義嗟飄零游談恣剽盜披猖蔑先型先生奮

袂起倒瀾迴滄溟鼓吹振絕響聳俗聒驚寔毛鄭賈孔
間一、通精靈苗畲既饒沃峻茂蓀蘭馨鯨鏗發春麗
詭蔚翔鳳寵射策經世務飛步挾天庭救獻平生業新
語奏漢廷每奏必稱善天笑空中聆蓮炬分熒煌梅花
映隴吟大鑪鎮清廟玉衡懸冰廳殊渥日有眷沖抱時
靡寧羣才屬覆燾萬形竚毒亭小子媿薄劣微光眇秋
螢前經早茫昧陋不辨豹麤何意折楊曲后夔傾所聽
纖芥遇靈珀霜鐘感無形願求飛霞珮變化生鶴翎韓
門追籍湜走僵不敢停

宮鴻曆

鴻曆字友鹿號恕堂江南泰州人康熙丙戌進
士選庶吉士著有恕堂甲己遊草淮壩集

閩中紀事四十韻寄姜西溟楊崑木查荊州聲山
嚴寶成吳元朗王赤抒宋堅齋團雲蔚湯西厓
史蕉飲汪文升安公

百越雄南服三山近海陸不知天隔闕坐覺地支離石
氣千林黝波聲萬馬嘶迢迢過嶺日仙霞嶺閩之北門杉黯淡

關閩之西門

下灘時北自浙入閩西自豫章入閩灘石險惡各以百穀而點淡灘特著名蠻俗聊供笑方言可拾遺

地曾無翔雪人不解流漸草木誰編譜禽蟲任缺疑聊

因耳目暇一廣見聞資艷目惟園果垂涎首荔枝麝臍

香易落荔實時遇麝則落石背溺先萎荔樹生蟲如荔枝一坐十二粒遇閩又多一粒名石背荔香時即溺而全枝脫蒂矣

絳寶盈筐瀉晶丸帶葉垂水晶丸荔之美種還愁撲孕早或售巨人

欺荔園受賈人直謂之撲荔有撲花撲青撲孕之別大抵以撲之遲早分價之高低下撲時情卿老估直名曰互人樹主撲主爭賂之亦可

封泥活無勞置驛馳荔枝小餘泥封二三年生根花時截取郵致京師結實無異緗枝防護密

夜燕所過則荔枝子一空害龍眼唱歌逢情人採龍眼恐其恣啖故采者相約又甚於石背故防之甚勤苦

佛手寧非柿會城外齊坑道者嚴有柿一枝結實如佛指相長六七寸皮穰色味皆柿也蝦頭儼似螭漳州龍蝦儼然

龍頭也大可三四觔味美如蟹螯品茶知太姥太姥峰茶咋舌羨西施西施舌會城亦不常有

柱剖江珧美春隨海扇移海中甲物於春三月出名海扇珠蚌佐羹臙小蛤名石

蛙長菱蕤一名龜脚春而發花蠢動憐沙啜無首無目能蠢動觸之則縮小徐復腫味極美四明亦有之閩人

呼為躡蹠笑海蟪海中大龜飛翔龍蟲出八月十三至十五海濱龍蟲飛集取之餘月絕無束縛虎

蟬蚊蟹之大者名虎蟬鱉醬空盈甕土人重之味極不堪蘭湯而滿匙閩人以珍珠蘭點茶不聞有吾人之說

珠娘擔石過閩中呼婦人為珠娘言其貴重也然地狹民貧凡負薪駕舟皆役婦人為之颯母踏波嬉象

譯唐朝壞日本呼人呼中錢刀宋代貨延建以上多用宋錢雕鑄疑鬼物刺

畫見鬢者雕漆器及自鳴鐘皆有專家絕技如鬼工然秣厲千章樹有高二三丈者花而絕不同猗蘭

九畹姿龍頭蕪燈火龍蝦空其中作燈觀者特駭目魚鮓絡藤絲魚鮓蘭吳越亦間有之莖白葉

創立者是也魚鮓則莖細如藤熱力不勝花開時橫陳密葉中蟹戶泗波出礮田帶火治閩地多山麓

畫治為田日礮田搏沙珠傘孕汀口撥土一寸許有珠大如粟光稍晦相告

廟土牛為取土於閩忠懿王之廟牛始可成魚訝連山大鰭堪一木支魚骨可作樓觀

竹森如擲火曩見畫家寫竹用殊不意延建間實有之榕蔭似披帷俗習干戈便

兵後尚武家藏甲者頗多人亦趨捷取一夫之敵人又以文事相尚至於人操硯席隨滅獲賤隸多能文者蛭苗代

錢罇鹽水為田種煙其中螺甲透襪襪螺甲作香即卷舌侏離語古之甲者香

文身漫浪兒關俗多稗官留小說淫鬼踞高祠所祀鬼神都不

洛陽橋祀夏得海會城述異資談藝催詩情酒卮荒唐來絕域可解最可怪者

懷抱向京師鐘鼎諸公業山林我輩期雖憐趨舍異未

覺性情歧大海難蠡測奇聞只管窺采風誰氏職聊用

播聲詩

新茶行做樂天

六安山中種茶客來宿平塘主人宅我亦有興憇此間
土牀相近蓬牕隔客子誦語僕夫今年寒土春不蘇
六安山中雪一尺黃金如土茶如珠進茶例限四月一

三月寒猶刺人骨旗槍未向雪中生檄符已自州城出
何處南枝長粟芽持金轉買向鄰家往年一樹一金直
今年三倍輸官茶儂家有茶十六樹里正來科種茶戶
慳囊滿撲三百文沽酒殺雞寬旦暮明朝賣女與商人
七尺銀鐙始脫身官火乾焙局秤大折耗錢增二十緡
幕司齋送到銀臺蠟裹筠籠當面開通進堂官凡幾輩
樣茶一一封呈來可憐進茶未十日春雷一殺萌葉茁
換鹽換米不直錢只今販向全柵驛我聞此語重悽然
靈薜如今合棄捐但知桐乳和酥煮誰解分泉沃雪煮
煎中朝又說武夸好陽羨棋盤賤如草頭網入庫飽蟬
蟲狂用僉名書進表

王革

革字秋史杭之仁和人流寓濟南居灤水之許名其室

曰二十四泉草堂入籍為諸生成康熙丙戌進士官成

山衛教授以養母乞歸工於吟咏嘗有句云亂泉聲裏

誰通屐葉黃葉林間自著書見賞于新城王尚書時有

王黃葉之目文登門人于熙學刻其二十四泉州堂集

田山蘆序畧曰歷下城西千佛山有泉曰望水明殷

棠川相國蔡川上猶存王子數掾在焉得葺屋詩四

今斤竹已盡大石猶存王子數掾在焉得葺屋詩四

章句云百年竟落書生手滿却猶呼閣老亭是也齊

地多泉蓋灤水之旁出者見于齊乘有七十二泉之

名望水則列在二十者元人于欽所編余嘗取而

閱之焉突芙蓉濯纓數者而外其名率俚而不雅望

水尤甚余既歎秋史詩日工而遂欲易望水為秋史

泉以阮曲即官湖之意庶有以洗于欽之陋乎故

松椒山是董樵隱處

斷壑隔匿峯修林暗空谷不知春淺深谷口草自綠曾
聞耽隱人此中劉黃獨

登日觀峰

捫蘿翠濕衣遐睇滄洲曉初日何蒼涼海氣遠縹緲山
高綠濛濛不知幾峯小七十二家封玉簡瘦煙草會當
解塵纓手摩青未了跌宕天門開晨颺吹我到

秦橋行

橋在大海中從日主祠望之怪石嵯峨忽
斷忽連相去文許如人力為之紛列者蒼
茫莫極不知所屆日主祠在海東岸盡處過祠
不復有岸矣

三月海上風怒號天雲下垂天吳驕祖洲瓊田在何許
漉澗東望龜鼉橋崩湍激日色積鐵錯出波面峰嶠峴

近者因依布碁子遠者羅列橫斗杓長鯨悲嘯老蛟舞
馮夸出沒騰靈鼇浪花突墮翻地軸潮勢憑陵傾天歌
三千年矣略約在孤島幾經冬華凋於虜祖龍臨渤海
百神秘怪紛來朝神人鞭石恐不速徐市入海甘逋逃
受珠臺空長蒼耳養神芝說同菰苗那及貌寢勿圖我
準蜂膺鷲聲豺嗥扶桑碧海一萬里鬱儀之居崦嵫遙
高春下春香難即血殷山骨鞭痕銷老我東行事臨眺
春風初合喧春濤一行兩行沙溇路千松萬松蒼鶻東
觀碑風雨碎文字殿壁龍蛇昏蠨蛸秦東門刻相斯篆
磨厓漫滅成山拊躄躄平生類蕭瑟自喜真見三峰高
急呼成連如可作朱絃遺音林水文此會曠懷自鹵莽

此地須以乾尊澆作橋未幾祠日主秦皇漢帝何勞勞
冬花島在橋側
島花經冬始開

大清詩因卷

繆沅

沅字湘芷江南泰州人康熙己丑第三人及第
累陞刑部侍郎初刻有蘭渚浮山西溪諸集今
彙刻餘園詩鈔十二卷

鏡湖放歌

我聞南湖三百里天晴湖面堆青瑤溉田一萬九千頃
芑、黍麥兼嘉苗有功斯土馬太守祀典百世胡能祧
厥後四明有狂客詔賜一曲稽山樹千官祖餞趣歸隱
寵以宸翰光中朝會稽司馬日載酒嘹唳玉管紛瓊簫
劍南陸游此歸老卜廬湖畔窮昏朝投荒萬里返故國
風塵馳逐朱顏凋道士莊前調白鶴柳姑廟後停蘭橈

此湖自落放翁毛手江山壯觀未寂寥西風陡峭鏡水
裂曲港冰合寒魚跳劇憐鏡水已非舊湖田侵蝕生蓬
蒿白塔洋前一掬耳蕩漾無復迴春潮今我来遊值歲
暮一輪皎月橫烟霄狂客不逢放翁死湖山勝地歸漁
樵興酣偶然作三弄羽衣玉立誰相招

晚遊吼山

日落樵風吹五兩鏡湖濺鳴細浪木蘭雙槳泝迴波水
態雲容樂清曠湏臾已至吼山前鰲擲鯨喙不可狀谷
簾瓔珞勢交環飛棧嶮屹相向孤舟掉入無底壑其
上巉々插青嶂人行壑底與天通水漱山根驚石漲撲
人白蝙蝠共飛翻潑刺銀鱗還擊撞神房阿閭現眼前博

戲金仙爭跳盪客言胚暉初分時五丁鑿鑿手親創高
掌遠蹠渾生成此語相傳不無妄當初越王採山石泅
水湫淪煩巧匠崖谷都留斧鑿痕狀若甌甄陳脯醬我
舟昨過烏門山邪許聲喧崖萬丈其下轟然儼雷鳴其
上啁啾如聃吮石乳點滴滲旁溪鷺兒破殼酥流益千
年穿穴有停時卽與曹山同變相犬亭巋巋白雲中蹻
捷峰巒穿藤蕩山深路黑崖岿危步々天風防跌蕩趙
家陵寢隔烟蘿冬青樹老無樵唱興亡舊事莫沾襟且
歸畫舫傾新釀

塘西悼金介山呂山瀏

一聲欸乃日沈堤纜過茗溪又雪溪吹笛山陽寒草綠

詩人零落古塘西

書德州田公黔南山水詩後十五首選十二

祝柳杖底夕陽斜
狔村前鳥跡賒
想像題詩鸚鵡寺
藤梢摘刺若斜過
嶺上花鬢疊似螺
紅酣白糝一山窩
八騶初入黔南路
白水巖前好放歌
鐵索橋南感廢興
粘天拔地勢峻增
瀾滄江山上如錦
小李將軍畫不能
蘆笙夔鼓鬧城闌
楚女番童翠鬪新
跳月搖鈴好風景
奢香驛裏看迎春
簪花傅粉亦何堪
逐客佯狂滇水南
誰向碧峽雞麓裏

手澆蠻酪弔升菴

讒言貝錦苦排擠
一代知音是晉溪
箬黑雲黃飛瘴雨
陽明祠外草萋萋

綠如么鳳黑鴉車
如此江山駭夙聞
白馬渡前延佇立
一叢鸚鵡戲紅雲

藤芒鬼帶刺人衣
笋迸龍奴竹幾圍
譜出辰沅風土志
如拳黑蝶傍巖飛

侵曉郵籤紀路程
槐花驛裏病蟬散
爰他搖叟聲如磬
者卜河邊相並行
迷離踪影立高峰
杖策西行路幾重
萬古山川笑行腳
神仙癡絕是三丰

扈業週遭湖水流銀魚香味敵槎頭添錢買得十千尾
可似白泔紅乙不
村沽容易醉顏酡岍幘呼風且放歌安得攬身去河湫
仙方釀酒問崔婆

李紱

李紱字巨來號穆堂江西臨川人康熙戊子解
元己丑進士選庶吉士歷官中_外屢躡復起乾隆
乙丑歲以禮部侍郎告歸公稟有異姿讀書過
目成誦有神童名十歲能詩十二_為能古文晚年
益邃于學所著有穆堂初藁賦雅頌一卷詩十
六卷原說一卷攷二卷解二卷論議贊箴二卷
墓誌銘表四卷記二卷序六卷傳一卷疏劄子
三卷書三卷策問一卷題跋二卷告文誄哀辭
祭文四卷共全集五十卷題曰初藁謙詞也
火餘草自叙曰歲壬申年十_八檢所為詩得七
百餘篇友人規之遂取所為盡火之餘百篇明

年又火之自癸酉至丁丑僅得百五十餘篇又
火其命曰火餘草
春風草自叙曰凡詩文未訂者曰草以其蒙也
雜也率也繁也亂也自火後三年有漁山草
春星堂草楚遊草共三百有奇合錄成一山
首又刪四十八首名曰春風草蓋用香山野火
燒不盡春風草又生句也

清浪灘

辰江清且綠辰山縹以曲亂峯劍掣摩崩騰瀉谿谷壘
千象馬橫江散垌牧攢屹蔽水面帆檣互隱伏反似
騎馬行騁轡萬山腹轟重陽溪白浪高於屋舟人裂
紙錢望祀徼神福簸盪十里餘有祠俯江麓靈旗颭陰
風暗殿閃燈燭云是漢伏波血食薦牲畜巖險不得泊
琰范仗巫祝祠下水更劣篙漿莫敢觸漂搖信天命震

撼破心目驚波自奔放雄石疆拘束江轉流益怒石圍
勢尤毒清浪三十里瞥若風雨速壞舟歲無算欲數請
更僕乃知天地險在水不在陸宗慤志何壯王陽氣已
縮我遊固汗漫艱危意所熟聊紀清浪行來者吾當告

飛來峯

舍舟而陸行山間秋光蕭瑟林木散溪迴澗盡得奇阜
秀皴瘦透無餘頑去膚存液露筋骨誰施摩天巨刃為
封剗吾聞南帝曰儵北帝燬中央混沌真氣猶全完日
鑿混沌一竅七日死乃知天施地生不容人力相間奸
異哉西僧慧理強解事云是中天竺國靈鷲飛來之小
山九州靈秘萬巖壑豈必夸蛾二子東西措注參戎蠻

金陵地肺自穿穴，匡廬石耳誰移遷。尾閭沃焦洩東海，噴出火敷腦兒為河源。玲瓏大地若人一身耳，腸胃舒瀉血脉相迴環。偶逢異境作誑語，智者一笑慙發顏。浮屠善幻豈足辨，佳遊莫住良可歎。王事有期不獲已，役車駸往復還。西江舊是山水窟，洞天福地泓擘蕭瑟飛仙所。盤桓芒屨竹杖亦易辨，安得投簪解組息。陬還其原

王禊亭同年寓齋觀大觀帖

阜鸞鵲木標禱貴印章獨識大觀字，冬晴妍暖匣塵輕。斗室傳看詫奇麗，騰空夭矯晉龍蛇。峭立莊嚴唐劍佩，紙光墨氣辨新故。六百餘年如夢寐，當時閣帖羅琳瓊。

王著何人委編次，八代參差亂宋薄。宋僖唐人誤附斯齊名乃臨摹，彷彿雜鍾衛。元常尚書宣示帖乃右軍臨列唐代，本衛夫人書定唐李懷琳所作米顛跋尾已批卻，黃氏尤工別。謔偽豈惟議禮如聚公墨寶，范、同一唱只今等是千年人。賈者猶當齊漢魏，平生精力困經史。毫翰飄零蕪不治，撫摩法物氣飛湧。但飲其實莫名器，君家青箱擅文獻。卷軸輪囷重龜貝，捧持此冊已足豪。夜、蓬山發光怪酒闌誰者勸，重開莫為宣和生感慨。

南池次少陵韵二首選一

轉粟過東魯，名池得繫船。旆封沉宿藕，篙響失鳴蟬。極目南池地，飛心北闕天。氍毹紅燭影，敢忘舊寒壇。

維揚舟中漫興時奉命來主浙試

夾岬樓臺十萬家中流箫鼓度星槎少年不作揚州夢
莫捲珠簾看鬢華
白馬廟前江水深去年歸艇繫江潯重來又值西風起
古樹秋教故國心
看舊風流日向來蜀江如帶抱城迴歐公去後平山冷
六百餘年堂未開
流光半百易飄零勝地經過眼倍青却憶畫船曾載酒
虹橋燈火散如星

何世璠

世璠字澹菴山東新城人康熙己丑進士授檢討處中秘十
餘年無失言失色 世廟元年出典江西鄉試隨視學
兩浙未逾年改兩淮鹽運使尋陞貴州巡撫招撫獠蠻
生苗歸化者萬餘人陞刑部額外侍郎又轉吏部右侍
郎總督直隸公忠體國不避嫌怨年六十四卒於官贈
吏部尚書謚端簡

法慶寺

臺角風清意自閒脩然而雪滿空山十年宰相經行處
方丈維摩定慧間今日無心雲出岫他時飛倦鳥知還
拈花待與豐干約好為應門莫閉關

張大受

大受字日容號匪門江南嘉定人康熙己丑進士選庶吉士

蝙蝠

老屋百尺空百蟲據作舍墨黑怪蝙蝠倒挂首欲下白日潛影伏昏暮飛不暇偏處臥榻間瑣々引姻媪能飛鳥殊族羽々異蝶化雕梁匪女巢與燕爭晝夜腹飢訴鳳皇鳳睡厭蟲詐卻向陰廊飛鼯鼠翼躍藉物性互強弱為女引彈射乾坤廣生育充無塞孔罅蠖蟲生絺牀

花脚蚊開夏蒼蠅晝競食蜈蚣蜚可怕此物最良善貼
壁蟻子亞兒童誤黏取欲殺亟令赦仰天絕纖翳清光
萬里瀉憐女無處所斃覆青羅帕

呈竹垞先生四十韻

日月懸鴻筆江湖伴釣翁斯文如一髮此老不三公
五湖玄成相生稱江夏童異書都默識疑義若昭矇
瑚璉珍初待金刀數正終蘭成深窺谷玉粲早飄蓬
寄興滄溟外悲詞燕趙中揮笏迴雪白拍板落花紅
劍拔看天小觴浮覺海空但隨遊野豕未卜漸達鴻
當代旁求說盈朝並薦雄對揚欽學邃拔擢荷恩隆
太白官供奉龍門史折衷掄才弘鐵網按藝拭青銅
書卷裝歸神素仙近

法宮騎將天廐駿捧出御書虹自此期調鼎無端怨
失弓歸來採翰墨吟嘯脫樊籠驅舫波還汎書亭日久
烘聖經羅象緯物析理魚蟲注地酈元似論詩蕭統同
采飛神每助斤運帝無功鳳小能翔漢蘭摧莫叫穹暮
年餘慟哭篤志益明聰鹿引晨穿屐龍聽夕倚蓬門生
輿請昇朝士刺求通斯畫珊瑚缺邕文金帛充共知占
蔚豹仍望載非熊小子勞鑽仰先生發覆蒙達人憐抱
璞知已撫炊桐再謁駕湖曲高譚桂樹叢森開武庫
藹挹春風世路誰輕薄者儒只固窮養心欣事簡餉
口幸年豐角里芝徒采春卿爵可崇人情畱撲拙天氣
值和融三歲依門下千秋歎道東經營慚小技雕斲冀

良工廣樂陳鼗羽凡民警贖聾升堂私有願陶冶及織
洪

費錫璜

錫璜字滋衡四川成都人隱居不仕論詩獨崇
兩漢自言嘗雪夜棹舟洪澤湖口十日冰凍不
解遂日夜取漢詩頌之頗有悟入撰有漢詩說
詩壇破的等書

臘梅

松柏猶相避無花可作隣一枝初放臘衆木未回春歲
盡寒堅骨宵來雪寫神蠟丸今有信誰寄隴頭人

沈樹本

樹本字厚餘號輪翁浙江歸安人康熙壬辰進
士殿試第二官編脩

叢芸館小集分韻

得卧字

新秋掩蓬門殘暑廢書課獨勤良友招屢向溪堂過幽
齋吾善處重到不敢唾諦觀乃吾廬脫巾竟高臥枕簟
竹影涼盆池荷葉大峰缺月初升擔鐔風微簸炎威隔
重霄靜氣凝四座主人註易成時易齋作易解初脫稿把讀手恐澆
更喜丹丘生談詩俗解破鯁生但啣盃追陪愧郊賀

徐葆光

葆光字亮直號澂齋江南吳縣人康熙壬辰

欽賜進士以第三人及第官編脩

印譜歌為嘉定楊筠谷賦

六書異體用亦別一日繆篆摹印章三代荒邈僅可數
秦漢鏤刻頗能詳岫嶠禹碑存幾字壇山石刻文祇四
石鼓曠絕變詛楚鍾鼎斤權各殊製漢代私印尤紛羅
紐連鼻貫螭龜駝張敞古文款識列揚雄奇字訓纂多
王莽很戾不師古官私印文各加五錢刀布貨且詭出
况此區：肯繩武繇此而降世轉遙俗書孳生古寂寥
誰能正畫判雅俗於茲錢筆爭釐毫上世刊銅不刻石
千古猶能識遺跡沉埋汲冢伴竹書科斗分明土華碧
後世刻石不鑄銅賈書末技爭求工削泥弱似縮地蚓

畫沙細等攢魚蟲揚君藝事本天授六書根抵尤深究
偏旁正體分魯魚奇古窮源到倉籀吾兄鑒畫稱至精
見君印史為心傾謂與文顧可鼎立片言聲價增連城
小學如川日趨下篆隸遞更時代謝印文一綫獨追古
假漢托秦不厭詐丞相之後到小生遠哉千載惟陽冰
學童書師解俗字肯於篆刻尋師承紛：末工隨手作
解字如林束高閣因之剗刷失自然增短促長病腰腳
惟君此譜如天成不煩馬龍圖書呈劍槩鋒鋷芒簇：
球璜理隱橫庚：挹君儀容更溫雅恂：無能真靜者
叩所應有靡不知鍊畫縱橫自陶寫一藝不專工不純
專工一藝徒苦辛讀書萬卷更識字何事不可追古人

王圖炳

晴村又號

圖炳字磨照號梭香居士江南華亭人康熙壬辰欽賜進士選庶吉士歷陞官詹學士終禮部侍郎三朝侍從年老告歸著梭香書屋集

春日用香山却齋暇日詩韻

曉檐喚晴鳩鈎簾此靜坐青山排闥來鬢髻澹梳裹閒烹日鑄茶試敲新榆火香鼎棊几右書卷風牀左官梅看橫斜人柳何孌娜俯踏綠草裊仰眎白雲朵巾我南陌車掣我西園鏤圓泖水如油還思理煙舸蘭槳逐鷗鳧早卜佳遊果賦詩追黃初對酒想白墮吟態既憑陵飲興復磊砢接羅倒習池笠子朝飯顆人生重天機安

能常轍軻山水皆知音春光真愛我乍暝而輕便乍寒
亦帖妥遮莫及春遊猿鶴輒許可

詠雪用廬陵潁州雪中會客韻

寒梅萬樹傲凍萼朔風昨夜號林薄朝來六花眩銀海
揜日韜霞勢已作應知玉龍白戰歸敗鱗殘甲滿城郭
高巖欲使湯谷凝空靈未許洪爐爍野外年々瑞葉飛
牕前無數春蟲落短衣匹馬是平生雄心猶復思于貉
還愁狐兔蹤跡深獵騎無處恣拏攫爪影矜辨蟒沙上
鴻饑鳴瑟縮紇千雀穆滿能為黃竹遊我欲從之濕芒
屨恍然身到蕊珠宮琪草瑤花皆可樂眇眇下界等毫
釐使我靈府朝々淪君不見天山十丈積秦時如席如

筵舞沙漠又不見蔡州一夜鵝鴨池六軍縞素揮矛槊
何似鄒枚授簡賦梁園相如未至開盟喙

顧嗣協

嗣協字迂客江南長洲人著有依園詩集四卷

己巳春朝雨中雅集草堂送朱悔人還潛江以坡
公畫馭春色入毫端為韻得入字

新年酒肉場紛々成惡習奔走倦應酬赴一翻却十吾
會破俗例杯酒非所急眷言良友歸追懽恐莫及翦韭
炊黃梁招朋殊汲々雪殘春雨霏屐齒踏冰濕寒燈光
不高風勁透重襲飄然束行裝欲去無由繫為言昔旅
遊冠蓋滿都邑涇渭別殊趨高下巖茅級平生風雨交
豬肝爭餽給白雲觸歸心駟唱各快悒念此古道敦聞
者知感泣別君五年來余尚類蠖蟄錯莫無精光金盡

囊羞溢范：天地間此身何所入珍重千古意慎勿忘
車空望：送行舟獨向春風立

野步

瑟：西風裏開門步水涯草枯分野岫葉落見人家山
影含微靄春聲雜暮雅忽聞漁唱起蕩槩入蘆花

聽鶯

啞：初聞溢復圓杏花狼藉嫩寒天聲驚曉夢湘簾外
韻落春風草閣前正值詩成三徑雨恰當茶熟半谿煙
閑來徒倚柴門立滿樹新陰寂可憐

顧嗣立

嗣立字俠君江南長洲人康熙壬辰 欽賜進
士選入詞苑家有秀楚草堂花木甲於郡邑與
兄迂客著書其中有手選元詩及昌黎詩註自
著秀楚草堂集金焦集山陰集嗽荔集大小雅
堂集今彙為閩正全集若干卷

謁禹陵

神珠入夢星飛流躬稟樞機畫九州茲山玉帛捧萬國
雲車風纛驅驂駟官德賞功錫茅土歌嘯蹈舞旬林丘
專車一骨獨後至精血化碧埋千秋君王會計猶未畢
胡顛鬢鬢千文湫苗山：頭騎龍去回首大叫孤雲愁

桐棺葦椁壙七尺相送入此深穴幽至今松檜影森立山

山魘怪鳥白日游萬山起伏勢回抱左江右海煙中兜

鳥田方纔踰笏禹崩後天使百鳥還為民田至今名曰鳥田在禹廟下菲泉活清於

油山下有禹井曰菲泉廟門乍啓振衣入日照繡榻迷彤髹穹碑篆

文豈岫嶮好古恨不逢陳留禹碑文嘉靖中漫長沙嶽麓書院攜歸刻石字奇古難辨成都楊慎謾譯之

千官雁行象生動龍袞鋪藻縣珠旒聖心勤苦尚節儉

加以雕飾毋乃羞乖龍躍水鐵索斷風牽符帶梁間浮

廟中伐梅木為梁張僧繇畫龍其上忽夜風雨飛入鑑湖後人見梁上水草淋漓乃以鐵索銷於後柱今已不存空石疑沒

胚渾結古隸難以形聲求空石狀如秤錘上有古隸不可讀此皆神聖設光

怪流傳竒蹟供羅菟腐儒小生窮拮据眈眈塞耳空煩

憂金簡玉字墮灰劫陽明洞口尋前修神功明德誰其

似俎豆百丑夫何尤魚鼈幸免食禹力敢以蚘蠹鳴相

酬馮高決背眼底閣獨立覆黼聊夷猶會稽山狀如覆黼亦謂之覆黼山試

問馬遷與東野游興亦似今番不

彌陀灘

船頭水怪奔船後潛蛟吼巨石森我左白波噴我右輕

舟如飛梭中容一線溜榜人劃水開勢與雷霆鬪捩柁

急就之翮翮伸頸脰忿然一聲中生死判清晝相傳此

驚灘估客屢傾覆禪家指迷途蓮花工刻鏤雙柱立中

央呼吸金石奏回思下灘時雙瞳矚前後相距一髮間

避險如避臭三老猶色變而况僮僕陋南來山水鄉到

處堪宿留垂堂尚有箴何事建溪走平地波瀾興禍福

巧相湊足迹皆宿緣平生藉天佑日午惡風恬城近驚
覓收且看石上鳥浴浪正褰蜀

黯淡灘

瘦日搖晶光陰風吹沆瀣舟行黯澹灘頓覺宇宙隘軒
然大波來魏峨擁山若橫波互舂撞白浪喧百派初如
戰鋒交萬馬脫營寨歎若刀槍陳奔竄格鬪敗恨無據
水飛那得裂背噲仰恐天柱折俯愁地軸壞伊余偶過
此杯中一芥驚雷震月根飛沫溼衣袂蹉跎寄蓬牕
吁嗟甚矣憊半生歷險艱心緒恬不怪富貴寶浮雲惟
欠詩酒債畏途漸坦夸手足去蜂蠆飽噉荔支鮮南行
聊一快

五月九日初食荔支

平生未識生荔支披圖按譜長相思有如傾城乍覲面
心怡目蕩神難持我來三山已一月嘗新恒苦歸期遲
忽見將軍遣騎來二十七顆光離時李總戎以荔支火寶

或二十七顆見餉

火寶

纍、香霧溼折枝點染新臙脂手臂奇苞紅映肉水精
光透冰雪肌津、牙頰滿靈液肝膽趨浴清涼池吾觀
夏炎百果盛供人口腹嘗不贊上林桃李八達杏迎祥
池芡哀家梨楊梅微酸青梅苦枇杷核裏黃金皮豈如
此種海隅獨論色香味皆相宜或言興化品第一飽噉
可惜非其時綠衣勝畫名字好山丹早熟姑試之綠衣勝
荔子又言福州西禪寺千枝照耀方離披行將襍被宿

畫山丹

樹下銀磔閃々搖晨曦帶露摘來甜勝蜜
儂人任笑吳儂癡

新泰道中

滿眼青山緩々行涼颼吹鬢馬蹄輕
香裏濃陰合愛聽黃鸝第一聲

大清詩因卷

方士穎

士穎字伯陽浙江淳安人祖尚恂明萬曆癸丑
進士君承家學幼嗜為詩年十一就試歸有句
云野渡舟難覓沙汀客屢呼嗣後益好之不厭
論者謂不減中唐錢劉風格著有偶存詩六卷
賦二卷類抄五十卷又有嚴陵詩選二十四卷
以補睦州詩派之缺

次蘭溪

樓臺露郭影涵波一帶帆檣聚客艤塔捲林煙高入岫
橋吞澗水曲通河隨舟菜鷺蕪菁早滿市花陳茉莉多
深夜不愁溪路暝傍崖燈火照人過

揚
綸
綸字青卬江南武進人

袁南州行有序

憶戊申秋先府君自詞館謫宦洪都曾卜宅於東湖
之濱蒼涯一曲衡門兩版榜其廬曰揚子居采文石
于西山疏清流于南浦堂前百頃澄波門外五株楊
柳編枳為籬修藤成架素馨盈幄都蔗為鄉且致酒

蘭陵探書禹穴一時名彥雲集高會置酒拈管篋
吟諷繫傳為盛事閱數年滇南變起會城兵馬蹂
躪舊宅荒蕪而先府君亦以一官萍梗十年之間馳
驅萬里蠻烟瘴雨艱險備嘗甲子春履任山左臬憲
甫及半年遽捐賓客痛哉今年秋禴服闋重過南州
一二故老猶能言之有至教歔泣下者禴感事撫時
一慟幾絕長歌當哭名曰哀南州行

章江風雨連滄溟空堂颯悲蕭晨擁燈兀坐不成寐
撫今感昔涕沾巾孤兒悽愴話疇昔先帝侍臣稱逐
客十月霜天吼朔風扁舟破浪來彭澤彭澤由來古盛
名濁醪清白弔淵明積雪夜過樵舍驛衝寒早上灌嬰

城徐孺空亭聊寄宅蘇翁荒圃結茅衡門清絕梅楊
子牽船補屋隨流水共道仙人白石樓誰知處士青門
里西偏隙地敞虛堂披襟對客歌大荒自古詩人羈異
域由來遷客遍江鄉長江雪浪奔如雷季父乘風千里
來吾家孝友敦同氣入門握手無塵埃絳句風雨聯林
宿開書夜半擎燈讀三年一見抵瓊瑤弟勸兄酬湏百
斛春風詩酒真人豪拚將蹤跡混漁樵江州度曲白司
馬東閣裁詩何水曹那知人事多興廢瞥眼風光如作
戲洗馬池邊枹鼓鳴投書渚畔悲笳起全家相對盡倉
皇鱸膾尊羹憶故鄉登閣最愁烽火近艤舟却恐道途
長嚴霜鐵騎來千匹征西將軍推第一河上逍遙白馬

軍草間潛伏黃巾賊鄂渚烽堆鬼火燐青苔白骨久成
塵萬里北來鴻不到一官南去冷如冰蠻鄉犵嶺長途
惡瘴霧荒烟雲外薄鵲華峰前詔甫除馬嘶夜半驚星
落黃河夜度泣孤舟馬鬣初封土一杯饑來驅人辭故
里衝風送浪來南州傍徨念昔增三歎亂莎野鳥傷空
館種蘿藥圃半無門垂藤僵柳還依岸舊時題詠已封
塵當日松杉手澤存鄒枚客館傷奔兔庾信荒居叫斷
猿白頭野叟猶能說回思往事沾胸臆空齋夜雨聲淒
淒燭花暗結無顏色嗟乎荒城芳草空菲：曲榭迴堂
事已非惟有舊時巢燕子銜泥還傍主人飛

邦江龍舟詞六首

選四

珠簾畫舫碧波紋杏子花衫薄似雲艾鬢巧成蘭葉髻
榴風颭起藕絲裙
御柳迎風細似絲錦帆銜尾鷲波時傷心斜日雷塘路
猶把當年水調吹
日落征帆沒遠坡暖風如醉撲香莎玉簫齊唱江南曲
碎雨零烟葵阿麼
心情老去不堪持長日歸帆譜竹枝紅板橋頭明月夜
一杯還酌杜分司

青琅灘

桃源掛帆三日行峰々回互如有情前山鬱々插天際
霧氣展合俄陰晴沅江之水百千曲萬古與石相抵觸

波移疊嶂千樹青而散平篙一池綠尤其險者惟青琅
四十里峽如平羗三千水犀射潮退十萬勁弩割蛟僵
教排雷電掣天吼氣飽烟霧埋雲黃篙工色沮舵師駭
間容一舸猶絲量牽繩百丈臨石窟壁色怪立如積鐵
崖浮月宅不露根樹倒峰坳全見骨翻栖已逞芒履便
捫樹最恐陰崖滑高軒紺宇何王宮英靈千載真雄風
伏波將軍遺跡在五溪荒徼開蠶叢飛鳶仰視使心惻
蕙茲招謗留疑踪人生萬事幾更易年華一去真無迹
憶侍先公南去時泊舟此地羈遊客屈指驚過十二春
投荒依舊泣孤臣鶯花識我非生客山水逢渠是故人

飛雲巖

白雲本在天有時亦在地茲山獨鍾靈一、滴空翠何
時雲蓬、隨風作位置方知天公幻真以此為戲上有
層巖高依巖下為寺軒、鐔虎豹昂、舞犀兕蛟龍欲
鼓鬣鸞鳳半垂翅或如跛立人或似渴奔驥天吳倒欲
懸仙人晝方睡要皆逼肖形幻意隨所寄輸班詎斧鑿
雷火假爐錘佛力坐靜鎮光中發大智可惜景象奇落
此蠻土異此亦雲無心失足偶然墜旁立十數碑乍閱
莫能識海昌中丞公開疆列旌幟其時甫開定安民不
苦吏後來安邊者罕能曉此意今觀飛雲碣言外有餘
思遍覓文成碑辭蝕十三四僕夫告日暮姑且停征騎
攀蘿仄不嫌捫石險寧避他年得東歸爰此真癖嗜再

撫髯龍碑重讀月潭記

四十八灣箐二百字

出箐山嶙峋入箐雨蕭屑出箐復入箐氣象倏明滅初
行踏石磴漸下見洞穴徑微轉幽邃巖秀每曲折層巒
靜如拱宰木環若列卑枝最蚴蟉接葉復締結蒼龍根
伏蟠年深化老鐵上有千年柯奇峰與頡頏天風力排
蕩日闔竟僵折根依南山空枝壓北山缺金鰲負成橋
恍若虹螭嶮下臨百丈谿行者定駭絕澗泉聲琮瑋石
上響嗚咽辭苔春沮洳水渚淺清列石髮雲浸長樹腹
水吞噉淵藏千年冰岸積六月雪仄徑伏石險惡木禿
榦拙不辭人力疲翻慮我馬劣行復何盡去擬何

輟入山恐不深惜哉聽蠻鴉

黔陽雜詠八首選二

四合山光翠欲浮晚來嵐氣倏如秋高坡插漢從無樹
細水名江不載舟

排日雞豚趁集墟蜀鹽似雪芼青蔬市區米價如珠貴
閒費先生乞米書

此後失字吳遂子
原書對

天王寺

晉代人物推帝頭有唐道子而罕傳下筆能令神鬼愁
刻畫毛髮窮雕鏤尤工帝釋天人流衣冠秀發森冕旒
善哉大士厥像優珠璣瓔珞百寶修異代一幅千金酬
天王古寺雄一州妙蹟不知何年留橫披巨軸張高秋
觀者雜沓填華騶而我諦視瞪兩眸斷縑漠々古香浮

李必恒

必恒字百藥一字北岳江南高郵人

細尋筆墨如絲抽五采間以金錯鈎意匠慘淡腕力適
臨摹贗本同贅疣我識此定非朱繇唐朱繇臨吳道子筆僧
往亂真見名畫記
言違者遭劫偷眩筐背負藏之舟歟忽四合陰雲稠震
電閃燦龍蚴蟠擺播惡浪高於丘纖兒惶駭角崩求願
復其所少乃休通神墨妙信有由詎無物焉司諸幽我
囑寺僧謹藏收人謀倖免行可憂即恐丁甲恣冥搜

讀陋軒詩

東淘吳野人嗟苦效郊島崛起魚鹽中海濱知者少我
行讀其集奉持若瓊珪鈔謄失寒燠吟諷錯昏曉長者
或嗤予所見毋乃矯性情貴和平此亦太枯槁長跪謝
長者茲理本微渺同嗜有殷生名王暉字樊桐同
理人有能詩聲可為知者

道

大雅久不作俗調何靡々蚓唱與蛙鳴一倡而百隨折
揚悅里耳白雪和者希嗟予沈溺久既乃悟其非譬彼
失路子中道始得歸偽體應見裁風雅良在茲清詩近
道要少陵豈吾欺

效荆公烘蟲序

王荆公有和王樂道烘蟲詩司馬溫公亦和之或者
用以為譏要之意各有托未可非也冬日即事戲效
一首中段聊爾示幻所謂言之無罪聞之足戒者非
耶

屋山吹裂終風號曉牕瑟縮裏緼袍忽驚芒刺在腰背

爬沙那得仙瓜搔嵇康性懶固多蟲老鰥衣垢彌穴巢
中單亟解付兩婢十指大索同搜牢屍積便思觀宜築
血流豈必杵可漂策勲牙爪已足賀盡殲未若洪爐燎
手須更赴焰類蛾滅項刺裂體同龜焦偪膊直似武安
震拉雜不異臯蘭麈旁及蚤氏下逮蟻一網而盡誰能
逃小婢失散忽大喙獵得巨擘魁其曹焚酣肚腹脹麥
顆亦有股脚連胠尻諦視掌上聊玩弄屬聲呵責如雄
虢曰汝賦形極委瑣曰汝秉性專貪饕噬膚飲血恣口
腹微軀豈足充女庖蔓延孫子營窟宅為肘腋患非一
朝投昇炎火且快意么膺焉用污歐刀熏心焚身爾曷
昂悔首彷彿教嘈、阿房宮賦舊能讀於傳則有非為

妖

見唐陸勳志怪錄

姑妄聽之譯以意其辭大概多訾謗似云族

類實天產遙、華胄名曾標藏老僧衲具佛性遊宰相
鬢經宸褒置諸壁間每見愛捫來坐上偏稱高鮮衣美
服我不願敝褐破絮君則招且聞人身厭蟲窟為虺為
蝮為蛔螯是皆害在爾心腹若我所饜纔皮毛不見州
衙插大鼓堂皇日坐煩榜敲擇人而食欲無厭吮脂吸
髓竭其膏取彼所得以例我詎異太山於秋毫而乃獨
於我乎懲茹柔吐剛非人豪何況相與有瓜葛屬毛離
裏如黏膠同根相煎何太急忍便赤族爭燔燒須臾散
寐去不願掉頭一霎如風飄聽其辭直義亦正誅之不
武寧相拋於物罕容實吾福不虞反脣來譏嘲處禪且

效阮籍戲放生而受坡老教翻思火攻真下策披衣一
笑倒濁醪

清明郊行

淮南寒食柳絲，一片傷心落照時。何處紙錢燒不盡
東風蹴上野棠枝

同學諸子招入文社不赴長歌述懷并謝諸子

春蠶作繭角鬪蝸蠹蟲食紙殺沙，天公憐我落苦海
欲使擺脫超津涯粵予總角愛蒐獵百家經史窮羅爬
屠龍技就世罕用刺楮無益吁可嗟日王崇儒好詞賦
班揚東馬裝連車學臣連翩下禁籞八絃廣設張羅置
吉水李宛平高東海許許暨避席授簡開官衙淮海維

揚曰才藪森如束筍紛如麻而我當仁志不讓掉臂徑
入抽鯨牙千言賦就不加點從容飲散斟官茶詰朝名
字上頭挂壓倒元白誰敢譁使者召謁面獎我曰女今
代文章家小子頓首謝不敏未提鑿賜禮有加爾時意
氣極騰上要窺蓬島乘星槎三科鏃羽羞羗繩煩窵內
火燔龍華肝神靈臺炎，歛空湧千鐘萬鼓相撞搗間
或細響類合樂瑟笙竽笛箏琵琶耳官驚匿走失職聽
答輒爾多遺差親用走訊競咤惜亦有調笑殺呀，諸
君何為不我棄招邀見嗜如瘡痂有兄聊可附騏驥如
余只合儕磨廢每思投牒老牖下巾箱棄置猶浮苴祇
緣升斗竊糜食不爾有覩胡為耶二月楊柳青氈笔村

桃遠近蒸紅霞曹家介亭子頗不惡垂絲木華攢春葩
倘能置酒別名我定泚渴墨蟠飢鴉維予唱女和亦可
詎必攢着俯首乞靈故紙羣嘔啞

贈毘陵句子湘先生有序

往讀宜興陳檢討集中兩髯行知海內有子湘先生
心識其人丁丑冬予奉檄作大愷歌詞時先生客商
丘公許見鄙作大驚異之亟言之公招致院署先生
一見折輩行與交相得驩甚一日酒間先生掀髯大
言曰李百藥爾以五七言古歌詩有聲淮海間盍以
為長者壽余聞命避席慙赧瑟縮謝不敏已乃擁鼻
鳴々作聲燭盡一寸放筆得數百言燭光墨濡翻々

閃爍紙上脫稿亟呈正商丘公曰是可以壽青門
矣趣小史舉觴連醕先生先生大笑樂飲徑醉乃擊
節全予曼聲歌之

千古史筆推龍門班范繼起體製仍後來八家漸紛紜

或取其貌遺其神逮明二川震川荆川而斌々廊廡唐肆各

有臻青門髯公才絕羣九龍毓秀珠孕淵十齡思壯賦

采芹舞勺即充觀國賓擢脫擲卻頭上巾鑽經研史穿

典墳變化陳腐生鮮新大放厥詞浩無垠雄深簡潔理

則醇誅姦發潛功不泯金華崑山維弟最近今作者無

比倫詩溯大曆追開元調高法老韓杜均誰其賞者風

雅親宣城漁洋共綿津好奇遠涉濟與洹要觀滄海扶

桑墩絳宮明滅幻金銀
旛旛羽葆排羣仙三神之山近
如何可捫掉頭忽往招匡君
一枝笑折羅浮春歲在已
未闢賢閣金臺千尺高
嶙峋挾其所有謁帝閭宸
居森嚴虎豹蹲百僚衰
魚貫屯田目視心嫉禁不言
坐令此老歸丘樊拂衣長嘯行
跋躅身則否矣名益震
四方贊幣填門闈乞其隻字寶
璫璠碑版晶巖蛟螭蟠
商丘中丞今大賢以禮招致
佐雄藩聯陰道古處敷
上林不怕嚴武嗔先生其家故
不貧章涅舊業蓉湖濱
洞庭遙指馬蹟名山鄰湖光
潏潏波生鱗鳧鷺滅沒鵝
鴨喧原田每三杭稻翻瓜壺
菘韭芥蕪繁前堂後寢疏以
軒中置几杖書琴尊擺極策
筮雜釣輪受經有子有

孫興來行藥或灌園
笑看世事如浮雲先生自謂羲皇
人世味澹泊天趣真長身豐頤
鬣且鬢先生著述高
身名山大業斯焉存
豈與芝菌爭朝昏
百千萬襮貽後昆

郭元鈞

元鈞字于宮江南江都人著有一鶴菴寶跗堂
拙宜軒諸詩集

今兩軒詩話于宮工詩數奇康熙乙酉春獻詩行在命充書局纂
脩官書成議叙縣令臨選緣事中拾復從事書館甲午應京兆
試首題仰之彌高落筆誤一字以刀刮之因被斥戲為挖孔詩四
律有云似餐脉望三枚字未補媧皇五色天又云混沌畫眉良可
已虛空着搜本無端俱可資客座嗚嚶也

東坡生日詩小序

臘月十九日東坡生辰商丘大中丞率吳下名士陳
先生笠屐圖於庭致集中名物以祭更賦詩侑焉東
坡以絕物之才顛倒困頓不獲展於世當其失意知

者排擠唯恐不至於死而不知者則以為知書一宰
官耳豈知數百家年後名公碩儒慨想遙慕有事之如
生如此者耶然非有深企於古人與之符節相合而
又有為之力足以驚動凡俗則其事乃雖舉焉而
不稱故古人之永新其名有幸不幸也先是中丞建
滄浪亭於其遺址一時婦孺皆知有子美其人今既
表彰施氏之說為蘇門功臣而又致欽仰之意於不
已豈非有深企於斯人焉者歟夫有深企於東坡之
人則其人亦東坡也已世有東坡而若元釘者可不
在秦黃之列歟故為詩壽東坡非壽東坡之永其名
壽其更有後身大獲於天以補平生不足也詩曰

人生百年寄鬢鬢

用坡句

請公莫歎葭中草不見康熙三

十有九年臘月十有九日有客介壽陳笙竽送數磨蝸

化生迄今茲甲子不暇籌算區人間遂有七百餘歲叟

異事驚倒園冠儒人生苟無物壽世騎鶴跨鯉何為乎

如公真有不貪寶照耀塵世無時渝我有轉語詫時輩

去來彈指真須臾西陂今有放鴨宋東坡故是扶犁蘇

二者是二即是一吟詩莫信公忘吾不然公之誕日亦

何有為壽若在公堂隅花豬自許上刀几竹鮑亦遣親

庖廚茗茶薄酒在饋壘黃瓜紫李陳杯盃一措華巾竹

几備九峰怪石銅盤俱枕柳入手似當日藥玉振柁應

時須元修令字寵蔬菜真乙佳號榮樽壺左圖右畫盡

遺葦原倡左國右
畫歌寶氣不媿衫袖窮年烏隻鷄斗酒有燔者斜
陽路口寧非夫可有秦黃作上客不妨四座兼黎符鶴
飛新聲裂江水紫裘仙吏真吾徒赤壁磯頭一遂橫郭
生不在知音無

十番詞

秋烟絡空月如水小艷紅雲吹不起酒闌歌倦燈地紅
澆漾一聲羣耳喜鼓師雙杖縣黃檀兩手病瘋頭青山
遂奴揭調飛霜吻不怕空雲裂成粉雙銅戛手如風颭
間以丁星響嘈雜紅魚數鳴板稀打小鑼散荒大鑼啞
么頭風韻似聯珠七事爭能不相下初如秋檐滴淋漓
又似晴空雲斷續忽聞萬騎宵同馳手如急雨心不知

茫洋醉骨蕩無主似見蓮心拓枝舞繡窠齊露彩雲飛
風際落花開復聚迴旋頓折疾于鴻縱處鼓牀疑碎乳
孤程壯士歸飛鳥老婦鰥魚江浩眇鯨鼉促節正宜人
萬籟忽沈天地悄斟酌橋西半塘寺紅簾小舫圍珠翠
宣徽弟子有新聲常恐惺霧晝暗記何年此曲成金屑
又撒圓輦彈雨雪

小寺

征輪如水向天涯小寺逢僧為瀹茶白日半墻秋草綠
西風吹動紙蓮花

次韻德州少司農田公河隄三十絕句 錄二

草長鶯飛春有無淮陰却落水煙蕪大堤一曲劉賓客

唱出紅霞映鷓鴣
柳陰紅舫帽擔斜不見漁庵舊釣家
萬里水雲今穢種
東風收盡綠楊花

再疊前韻簡宮友鹿鮑又昭佟圖南三同學錄二

風硬霜濃客未歸
懷人江上酒腸微
亂蛙巧與殘蟬配
小蝶能從落葉飛
生綠屏風殘睡足
晚紅籬落剩霞明
除前蒼荀含清雨
屋上芻尼喜嫩晴

跨塘

橫塘西去跨塘東
萬疊煙山香不窮
時有小印明瓦屋
柳枝生綠襯桃紅

禹之鼎

之鼎字上吉號慎齋江南江都人性高尚不樂

仕進嘗遊高師以善畫供奉內廷康熙中授

鴻臚寺序班非其好也最愛洞庭山水欲居之

故朱竹垞檢討贈詩有君去西峰先相宅小樓

容架滿船書之句所著詩不自收拾所傳絕少

予嘗得其畫扇題句今錄之如左

張浦山曰慎齋工人物幼師藍氏後出入宋元
諸家遂成一家法有王會圖一卷傳世其寫真
多白描不襲公麟之舊而用吳生蘭葉法兩顧
微用脂赫暈之媚媚古雅曾為澤州陳相國寫
水亭玩鷺圖樹石亭榭雙鷺細草色永雋時
莫能兩

為陳蓮宇摹周文矩散花天女圖

時癸未夏日

焚香擬染蔚藍天
描出嫦娥正少年
為贈玉堂懷袖裏
晚涼披拂鬪嬋娟
金節霓裳本帝家
生來文采爛雲霞
天門曉放傳香雨
到處春臺望落花
紅翠乘風歷亂新
芳菲此日遍青旻
從他上苑千堆錦
不出僊人手內春

徐逢吉

徐逢吉字紫山自號青萊老漁浙江錢塘人家
暗門外與宋聚景園故址相近竹扉蕭然戊午
春余同叔易亭寓湖上就訪于黃雪山房時先
生年八十餘耳目如壯盛時惟艱于步履客至
則一蒼頭負以出談笑終日無倦容尚能作小
行書字為余書一扇皆晚年近藁也錄存于後

懷寒拾

寒拾不可作逆、望石梁嵐煙結林彩滿地松花黃我
欲乘風去記跡青谿旁冷然流水外朝夕事焚香

自顧

自顧衰頹甚經年少讀書臥床筋骨懈見客禮文踈澤
畔僧相類揚州估不如甕頭雖有酒吟興已無餘

南山

我從南山來愛此一片石、畔有寒梅其花如水白看
花復吟詩可以永日夕林中我一人林外無他客

題八大山人畫竹

孤竹不成林挺然見高節炎風吹不來多年飽霜雪試
以杖擊之其聲如老鐵

湖西曲

下塘湖水滿上塘蒲葉短細雨濕湖陰半露嬌紅淺浣
女年十三織女年十七終日無一繡那得便相匹瀟瀟

滿湖飛雙鸞去不歸蕭郎騎白馬愛着紫羅衣

湖上有所期

龍王堂接水仙祠棹取扁舟問所期十斛明珠都撒下
一花留待贈西施

雨中荷花初放

長隄一帶溟濛雨西子含愁未必來我亦卧床扶不起
白荷花好為誰開

七星岩

綠字雷文不易求此中有路到羅浮黃冠未肯從余去
自掃星壇上石樓

錢塘江

水底天開洞府奇
洞門不
十日曾行到武夷

與世人知相傳
只有徐霞客

焦畢



